

太上通玄靈印經

通靈印



上三寸刻之左

攝鬼印



召鬼印



策鬼印



下二寸右

居五

老子曰此通靈印是一切法萬術之根若人不得此法者一切道術虛行不成諸法雖說功能而通靈印何處得來徒費功夫日勞人矣老子曰人欲策使鬼兵取前件者先取赤葛花三兩即白芍藥花枸杞子一斤七月七日取赤桑皮一斤白朮三斤鬼谷青牛脂各三斤鬼箭各三斤此六件陰乾二十日杵末細和蜜丸小豆大寅時服三丸日服三服未至七日一切八史六丁玉女山精河伯水官社君龍君河海一切羅刹王鳩槃荼八部鬼神帥天

下百萬鬼神無不稽首來到朝拜子也一切虎狼禽獸皆役使矣

老子曰一切萬法皆從此通靈印中撮出各說功能無求飲食

凡諸外法雖有符印呪術空說功能不得此通靈印者徒費力耳萬不成一矣

老子曰是受太上金口所說靈寶通靈印文持之如法三月三日變身萬種立生水火金銀寶玉天下百菓樹木河海土石風雨而禽獸所化皆成無所不為若欲依前功能者清身潔已不食一切血食之物如此淨戒萬不失一

老子曰欲使八史六丁為人取金銀一切寶物仙藥者先行八史通靈符印將印向東方震地八史為人取一切物立至又使六丁橫印向天八史六丁領兵鬼神皆來至法前立老子曰此法最秘勿傳與人若違犯真科殃及七世子孫其印文如是廣二寸白檀作心作左印此印以雕是如上法印功無異也印是左後印是

右前印使八史六丁玉女後前印使天下鬼神前印沉水一寸刻之以五月五日七月七日此是諸天八史下降日一切鬼神皆在人間察人善惡愆過用此日開印立成矣後印亦同日刊之取飛符千里立至此印者秘勿

妄傳欲刊印先入淨室之中用甘松香湯灑地了古刀一口刊開印寅時入室燒香請先師老子八史六丁玉女三啓畢即刊之以卯時了勿使停滯過卯時須著新衣香湯沐浴身潔數炷刊之八八六十四氣即令了須數炷勿用欠也刊了印埋著鬼地二十日用平旦寅時取之置立壇如法受持二十一日無不成矣

立壇闊八尺燈八盞銅鉢一口香爐四箇香案四張五方綠鏡一面酒一盞鹿脯一斤五菓一盤用正月一日立壇三日即成也用油是胡麻油勿新油四角四箇燈夜使莫滅燈內四箇至明方滅外留四盞應四方四時內四盞八史坐用團薦敷之六丁以應四季內外八盞上應八史下應八卦八史領諸王皆

來不得餘香立壇者有十種果報人見此燈者現終身長壽元極一切寶所須之物皆悉隨心取得若說此壇功窮之不盡故不多言勿傳

老子曰若欲用印即咒印三遍即說咒曰

太上真炁 照我身明 將印所化 立即能成
八史衛左 六丁侍形 天下鬼神 皆來通靈
神印一下 使鬼役兵 令臣求道 永劫長生
白日昇天 飛騰上清

咒畢取印左手執向天諸天八史皆來前

立問之取何物即答欲某物立取來與人
若化山林河海手把印身振三下其人即成
木山丘欲止之法豎印向天還人矣
若欲化河墨塗印戴在頭振手三下即成大
河水廣百里欲止下印身坐即止

若使六丁玉女并及一切鬼神用牛黃丹砂
塗印一切鬼神六丁皆來隨人使役移山竭
海雷電霹靂天地開冥日月墮落興雲致雨
此通靈印皆能為人使役
若欲使六丁移山竭海者朱砂塗印向之即

成桑田橫印向西其山即移入平川欲止豎
印向東即依本山

若欲化雷聲左手提印向東即為雷聲震動
天地

若欲日月開冥與雲致雨者印召八史來與
雲致雨

若欲閉塞日月先作白霧印召六丁來與人
與也

老子曰欲八史延年長生求仙飛仙用赤萬
花塗印三七遍八史六丁即來扶接將上天

能乘空虛遊歷五嶽隱萬遍五嶽仙官天神
玉男玉女皆來迎于先縮地脉而行遍歷天
下八方然後求仙得仙也

老子曰縮地脉者牛黃和丹砂塗印上向東
方鬼神阿叱領一切神兵來縮地千里十萬

里如食一口飯即至處

欲往蓬萊山見諸仙者水銀二銖真丹砂塗
印東方八史領大五部鬼卒與人縮地脉立
至蓬萊山上見仙人玉女皆乘青龍白虎來
迎于若見時印橫向仙人立成萬頭獅子仙

人見之皆悉嗟嘆受署為仙人名入大山金
闕紫房宮中長生不死天地同矣欲此法者
莫害一切神也

老子曰欲使六丁八史取寶將印向天八史
神女即取一切金寶立至用三兩埋入地戶

餘者任意用之

若欲隱形變化者將印向面立成老公向心
成女向足成土向背成天雷電震動左手把
印倒指天雨即下欲止豎向地立止

若欲化草木五月五日收百花陰二十日乾
為末塗印印地人即化百草將印左右振立

成千人欲止返印向吾立止

若欲一切禽獸獅子虎狼蛟龍毒蛇者橫印
向地上即成大毒蛇千頭長十丈大怕止印
鎮地上虎狼蛟龍立滅不見

老子曰吾此通靈印結壇三七日受之不須
受錄若得此印八真通靈印一依此法萬不
失一先元無八史錄以永壽元年有神師觀
虛空中八史共語言神師因撰八史醮一卷
更撰六卷世人得此真根者不須受錄若無

者受錄然後醮始下矣昔有鬼谷先生費長房曾行此法方乃得昇仙以晉永和三年太歲在朔受與諸葛先生從是以來少有人得此法五十卷一部諸葛先生撰為通靈使役鬼書一卷後留人也

若欲役使鬼六丁癸日收取鬼曰赤祭白皮三兩以七月七日埋著鬼門三七日黃昏時三步九跡叩齒三通誦呪三遍

取藥塗眼一切鬼神受人驅使如奴婢取金銀仙藥共人服食得飛仙此鬼常欲殺人將前藥一丸口中含之不致害人

若欲使鬼神盜他家金銀財疋先祭鬼可用酒三盃乾魚三頭鹿脯三斤五果香爐一具祭呪曰

吾與汝為友常飼汝酒脯若使汝取金玉錢財之物立即得來必莫違我語

若欲某求道即遣得仙可取天下萬物立即得來勿違我語
若欲使金玉錢財一切財物皆已得之供給
人用無窮盡秘之勿妄傳人也

此符是召鬼符以朱書白縑二寸以五色袋盛隨身勿令人見

若欲使鬼神左手提符囊指四方一切鬼百千萬眾皆來總到子前即語與鬼兵言汝欲與吾取何物其鬼任子所使須仙藥一切金

寶任意取索即為取供給人無窮盡若怨惡侵害者召鬼遣報讎使殺即殺使生即生若不殺即使抱患在身求生不得求死不得但

答惡怨枉事即遣鬼兵報讎使殺即殺使生即生
諸葛曰若欲使鬼為人追喚千萬里人夾者書姓名在符內手中執振符三下其人一日即至也

使鬼神先唱五方五部鬼神名也
東方鬼神名阿吒伽領諸小鬼百萬眾

南方鬼神名符一名深沙領諸小鬼三百萬眾
西方鬼神名浮丘領諸小鬼三百萬眾

北方鬼神名神吒領諸小鬼百萬眾
諸葛曰使鬼神取物隨人意即至先唱五方

鬼帥自領眾為人取之立至此鬼帥一日一夜察人愆過人須知之常以日出時察人一度少時即去午時來候人一過去更至夜半察一度此三時人莫眠則主五部鬼大怕或時煞人好戒之若欲至時手執藥符不能為害共人言語秘密之事示人金銀寶物即取立至也

諸葛曰若使豆子為兵者用赤豆一千枚羊血牛黃和塗在小豆上二七遍用時先呪其

豆子曰豆子是鬼神之兵吾是天帝之子使役變化隨吾驅使攻山伐樹富貴如市延年益壽無極天地急急如律令

念畢左手取豆子右手振北方坎地遙召鬼三振北方坎地鬼神吒領鬼兵眾化作豆兵震動山谷欲作千千萬萬眾立成也如生人

若使豆兵伐木槎山百種功能用前呪
豆兵眾為槎山伐木一夜至曉可得千萬頃

已上欲收之用攝鬼符收之一切皆來立在我前其圖如是秘之勿視人

此是攝鬼符欲使用羊血牛黃四氣書之使
了莫今欠少欠少者無効也

若使此符飛百千萬里取人血和羊血書名
姓入符內立自飛去若人來求請為事不須
書符呪三通呪曰

天地神靈 日月光明 禁行飛符 役使六丁
隨口所願 驅策鬼兵 急急如律令

呪畢叩齒三通將通靈印七次符即飛去
若欲使符喚人盜賊者呪三通印符三次即
飛殺其賊盜若殺之子又使符攝名字成語
人也

諸葛曰使靈兵取粟一升用豚血青牛血和
塗粟上三二遍用豆兵呪三通立成鬼兵滿
山川欲攝之用攝鬼符口合呼之立止也
若人能役鳩槃荼鬼羅刹鬼能為天下衆生
作變怪之事

若役之法用前左右通靈印印手指鳩槃荼
鬼羅刹鬼立到為人化作大毒蛇三百大口
廣一丈跡煞人欲止豎印即滅祕之勿傳
諸葛曰老君策鬼符能使社君河伯水官能

視千里伏藏金玉寶物皆見眼前了分明其
符方法如是亦能使靈君祕之

此是策河伯水官社君靈君等符若欲役使
之法以鵝頭血和石硫黃調書用五絲作袋
成之左手執置頭上隱形不見下符即止置

面上成十五童子著腰成女子端正無比置
足成老公髮白稱百歲已上右手捉符振之
三下前進二步後退三步即散千人欲止走
向人門持前符指天運成一入矣

諸葛曰此符隨意口用以丹書白絹素上用
前攝鬼符呪三次繫符右耳立成十八女子
端正世无雙却符立止符至樹下一切鳥雀
皆來聚會却符即散投入水一切蛟龍魚鼈
皆來聚處勿害却符即止
太上通玄靈印經

上清鎮元榮靈經

太上受與仙公天目山修行道白日昇天
自在

太上曰凡為通靈此法元日為始餘隨所月
建而作其方



上文朱書紙上吞之然後可行餘文神驗

黃帝太甲 運神連靈 精氣助我 神仙佐形
急急如律令

先齋五日以元日丑時用三穀穀燭下無人
之處朱書符紙上七箇燒灰置一碩水中用
洗耳聞鬼神語洗手脚即能捉一切鬼神意元
口可與鬼共言若飲之能察一切鬼神意元
日洗訖其日至暮不食不與一切人言不見